

საქართველოს მთავრობის

დადგენილება №122

2025 წლის 17 აპრილი

ქ. თბილისი

„იმ ქვეყნების ჩამონათვალის დამტკიცების შესახებ, რომელთა ვიზების ან/და ბინადრობის ნებართვების მქონე უცხოელებს შეუძლიათ საქართველოში უვიზოდ შემოსვლა შესაბამისი ვადითა და პირობებით“ საქართველოს მთავრობის 2015 წლის 5 ივნისის №256 დადგენილებაში ცვლილების შეტანის თაობაზე

მუხლი 1

„ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის შესაბამისად, „იმ ქვეყნების ჩამონათვალის დამტკიცების შესახებ, რომელთა ვიზების ან/და ბინადრობის ნებართვების მქონე უცხოელებს შეუძლიათ საქართველოში უვიზოდ შემოსვლა შესაბამისი ვადითა და პირობებით“ საქართველოს მთავრობის 2015 წლის 5 ივნისის №256 დადგენილებაში ([www.matsne.gov.ge](http://www.matsne.gov.ge), 08/06/2015, 010120000.10.003.018641) შეტანილ იქნეს ცვლილება და დადგენილებით დამტკიცებულ დანართში („იმ ქვეყნების ჩამონათვალი, რომელთა ვიზების ან/და ბინადრობის ნებართვების მქონე უცხოელებს შეუძლიათ საქართველოში უვიზოდ შემოსვლა შესაბამისი ვადითა და პირობებით“):

1. „საქართველოში შემოსვლის ვადებსა და პირობებს“ დაემატოს შემდეგი შინაარსის მე-3 პუნქტი:

„3. ამ დადგენილებით დამტკიცებული ჩამონათვალის დანართ №1-ში მოცემული იმ ქვეყნების მოქალაქეებს, რომლებსაც აქვთ არაბთა გაერთიანებული საამიროების, ბაჰრეინის სამეფოს, საუდის არაბეთის სამეფოს, კატარის სახელმწიფოს, ქუვეითის სახელმწიფოსა და ომანის სასულთნოს მრავალჯერადი ვიზა ან/და ბინადრობის ნებართვა, დადგენილი წესით, საქართველოში უვიზოდ შემოსვლა და ყოფნა შეუძლიათ იმ შემთხვევაში, თუ მათი საქართველოში შემოსვლის (საზღვრის გადაკვეთის) დღისთვის, მრავალჯერადი ვიზის ან/და ბინადრობის ნებართვის მოქმედების ვადა არის არანაკლებ 1 წლისა, რაც უნდა დასტურდებოდეს სამგზავრო ან/და სხვა შესაბამისი დოკუმენტით.“.

2. დაემატოს თანდართული შინაარსის „იმ ქვეყნების ჩამონათვალი, რომელთა მოქალაქეებსაც არაბთა გაერთიანებული საამიროების, ბაჰრეინის სამეფოს, საუდის არაბეთის სამეფოს, კატარის სახელმწიფოს, ქუვეითის სახელმწიფოსა და ომანის სასულთნოს მრავალჯერადი ვიზების ან/და ბინადრობის ნებართვების საფუძველზე შეუძლიათ საქართველოში უვიზოდ შემოსვლა შესაბამისი ვადითა და პირობებით“ (დანართი №1).

მუხლი 2

დადგენილება ამოქმედდეს 2025 წლის 16 მაისიდან.

პრემიერ-მინისტრი

ირაკლი კობახიძე

„დანართი №1

იმ ქვეყნების ჩამონათვალი, რომელთა მოქალაქეებსაც არაბთა გაერთიანებული საამიროების, ბაჰრეინის სამეფოს, საუდის არაბეთის სამეფოს, კატარის სახელმწიფოს, ქუვეითის სახელმწიფოსა და ომანის სასულთნოს მრავალჯერადი ვიზების ან/და ბინადრობის ნებართვების საფუძველზე შეუძლიათ საქართველოში უვიზოდ შემოსვლა შესაბამისი ვადითა და პირობებით

|   |                                |
|---|--------------------------------|
| 1 | ავღანეთის ისლამური რესპუბლიკა  |
| 2 | ბანგლადეშის სახალხო რესპუბლიკა |



|    |                                              |
|----|----------------------------------------------|
| 3  | განის რესპუბლიკა                             |
| 4  | ეთიოპიის ფედერაციული დემოკრატიული რესპუბლიკა |
| 5  | ერიტრეას სახელმწიფო                          |
| 6  | იემენის რესპუბლიკა                           |
| 7  | კამერუნის რესპუბლიკა                         |
| 8  | კოტ-დ'ივუარის რესპუბლიკა                     |
| 9  | კონგოს დემოკრატიული რესპუბლიკა               |
| 10 | მაროკოს სამეფო                               |
| 11 | ნიგერიის ფედერაციული რესპუბლიკა              |
| 12 | პაკისტანის ისლამური რესპუბლიკა               |
| 13 | სომალის ფედერაციული რესპუბლიკა               |
| 14 | სირიის არაბთა რესპუბლიკა                     |
| 15 | სუდანის რესპუბლიკა                           |
| 16 | ტანზანიის გაერთიანებული რესპუბლიკა           |
| 17 | უგანდის რესპუბლიკა.“.                        |

